

四庫全書

史部

欽定四庫全書

欽定蒙古源流卷五

額訥特珂克土伯特蒙古汗等源流

朱葛住南省三年與彼處八十八萬漢人固結盟好乃摺奏云遵汗之旨已徵收賦稅攜帶前來闔人見有財帛不勝欣悅使之入奏云滿載九萬車財帛而至檢查賁至之物據稱前三萬車內裝載各色珍寶財帛中三萬車內裝載各項器械後三萬車內裝載各品飲食之

物及卸看前三萬車內載之物實係珍寶財帛隨後之六萬車內則係披堅執銳之兵並礮三尊如蠟燭裹飾一同裝載詭云恐車內裝載之物一時不能卸完置此蠟燭以備夜間然照遂將蠟燭俱已點灼先已約定燃至礮線聞礮聲則車內伏兵即發至是前三萬車中之物將次卸完礮聲一振兵丁突出攻擊衆皆驚潰無一人能敵於是汗悟前夢乃袖玉璽携福晉皇子出奔並携同阿爾拉特之伊拉呼丞相阿喇瑪之布哈丞相哈

薩爾之後嗣多古勒和巴圖爾台吉等七人力戰而出
此烏哈噶圖汗於癸丑年即位在位三十六年歲次戊
申年五十一歲因好諂佞以致建都之岱都地方一旦
墮於克頑之詭計永失統業自威力青吉斯汗降生之
壬午年起凡二百零七年歲次己酉青吉斯汗即位至
戊申凡一百八十年蒙古汗等傳位共一十五世自是
汗由古北口出亡感悔而歌曰以諸寶裝嚴之大岱都
城以應時納涼之尚都海綢古爾都城與我烈祖避暑

之尚都沙喇塔拉際此戊申以致敗亡遂失大統且九
色寶物裝嚴之大岱都城執掌九十九政之尚都海綢
澤溥衆生道拯黎庶一統君主之赫赫名譽晨起登高
眺望則清光燦爛有時前後觀覽則威儀赫奕留憩於
此雖歷冬夏而無鬱悶又額爾克圖徹辰汗創立之寶
貝岱都祖宗安居之大岱都城並撫有汗衆宰桑以及
所屬民人之衆多乃不聽伊拉呼丞相之諫者是我之
遺恨也信任叛去之朱葛者是我之愚昧也誤殺烏哈

圖托克托噶太師逐去寶異尊上喇嘛者是我之罪愆也君汗之名譽可惜究之大可惜者際此昇平之時何必勒罕徹辰汗百計經營而得此駢集福祉之岱都城以予狂惑而失於漢人朱葛之手愚頑之名我多哀特穆爾其難辭矣歌聲既哀繼之以泣方大亂時各處轉戰蒙古人等四十萬內惟脫出六萬其三十四萬俱陷於敵於是先後脫出之六萬人聚集於克呼倫河邊界起造巴爾斯濶坦城居住歲次庚戌年五十三歲殁子

阿裕錫哩達喇汗戊寅年生歲次辛亥年三十四歲即
位在位八年歲次戊午年四十一歲歿弟特古斯特穆
爾汗壬午年生歲次己未年三十八歲即位在位十年
歲次戊辰年四十七歲歿生子恩克卓里克圖汗額勒
伯克尼古埒蘇克齊汗哈爾古楚克都古楞特穆爾鴻
台吉弟兄共三人恩克卓里克圖汗己亥年生歲次己
巳年三十一歲即位在位四年歲次壬申年三十四歲
歿弟額勒伯克汗辛丑年生歲次癸酉年三十三歲即

位舉國上尊號稱為額勒伯克尼古埒蘇克齊汗忽被
鬼怪所述一日於雪內射一兔見血點落於雪上乃曰
安得有面色潔白似此雪顴頰紅艷似此血之婦人乎
衛喇特扎哈明安之浩海達裕答云汗之弟哈爾古楚
克都古楞洪台吉之妻鄂勒哲依圖洪郭幹拜濟顏色
較此尤為都麗汗云浩海達裕爾果能愜我意使彼與
我一見我即令爾為丞相管轄四衛喇特浩海達裕乃
伺都古楞鴻台吉出獵後往見洪郭幹拜濟說云奉汗之

旨謂爾都麗衆皆稱異欲來爾家看視拜濟大驚云天
地豈有混淆之理乎汗之貴重豈有覲弟婦之理乎弟
哈爾古楚克鴻台吉已與之乎兄豈為黑犬乎浩海達
裕以其言盡行具奏汗怒截殺其弟於路而納懷孕三
月之弟婦弟哈爾古楚克鴻台吉癸卯年生歲次己卯
年三十七歲殞命迨後汗出放鷹浩海達裕為請名號
備宴以至在外坐候汗駕洪郭幹拜濟聞知遣哈爾古
楚克之僕人多克新沙喇謂之曰爾為何坐於外可入

我室中候汗乃喚入大加禮敬洪郭幹拜濟以奶油和
奶酒盛於銀盃內云爾自卑污致我於尊榮賤軀已為
貴體以稱拜濟之人而為伯奇太后由台吉之拜濟得
為汗之福晉我深感爾恩主上亦諒知此大恩今特把
盞以酬爾之德耳浩海受而飲之不覺醉仆於地拜濟
於是將浩海置之椅上採已髮一縷擲之各處仍自毀
其面傳集庫爾新之大衆看視遂遣哈爾古楚克之僕
人多克新沙喇迎往奏汗汗至見其背坐而泣問云爾

何為而泣乃將酬謝浩海之言一一告知且云伊飲酬酒一盃醉後肆言因褻我不從即如此傷我浩海一聞此言急起乘馬遁去汗云觀浩海之遁斯言誠然矣遂追去浩海拒戰將汗小指射斷當將浩海圍住擒殺交蘇尼特之旺沁太保剥取浩海之皮給與拜濟拜濟尚不愜意既吮汗小指之血又以人皮何似取而觀之併舐浩海皮上之油乃曰既得吮懷蓄惡念汗之血並舐獻讒佞口浩海之油雖係婦人夫仇已報今即就死無

憾矣汗其速令我回汗慕洪拜濟之色並不加怒反向
浩海之子巴圖拉云誤殺爾父矣遂降庫伯袞岱大福
晉所生之薩穆爾公主妻之授為丞相令管四衛喇特
時衛喇特克噶古特之烏格齊哈什哈聞之云汗政治
不端殺弟哈爾古楚克鴻台吉以弟婦洪拜濟為福晉
淫虐亂法復被拜濟所欺殺臣浩海以有此恥乃既有
我在而令我屬人巴圖拉管轄四衛喇特耶不勝憤怒
汗聞之與婿巴圖拉丞相議殺烏格齊哈什哈詎庫伯

袞岱大福晉致信於烏格齊哈什哈烏格齊哈什哈即乘馬而來既弒額勒伯克汗乃娶鄂勒哲依圖洪拜濟為妻蒙古人衆大半降之額勒伯克汗癸酉年即位在位七年歲次己卯年三十九歲殺哈爾古楚克甫四月即於是年為烏格齊哈什哈所弒汗佔鄂勒哲依圖洪拜濟為福晉時已懷孕三月及烏格齊哈什哈娶時懷孕已七月又三月歲次庚辰生一子取名阿寨烏格齊哈什哈愛養如己子而巴圖拉丞相復令阿薩特之子

烏格德勒庫負筐拾糞取負筐之義命名曰阿嚕克台以供使役自是與蒙古人衆不相能矣額勒伯克汗之長子琨特穆爾丁巳年生歲次庚辰年二十四歲即位在位三年歲次壬午年二十六歲歿無子弟額勒錐特穆爾巳未年生歲次癸未年二十五歲即位在位八年歲次庚寅年三十二歲歿子德勒伯克汗乙亥年生歲次辛卯年十七歲即位在位五年歲次乙未年二十一歲歿是年乙未烏格齊哈什哈懷記前仇殺浩海達裕

之子巴圖拉丞相由是四衛喇特前往會盟適有三人而回路遇阿薩特之阿魯克台拾糞問云大人會盟之事若何三人譏之云墨爾根頂負繩纜而為大統憂勞且笑曰今已擊讒佞浩海之皮阿寨台吉稱汗名阿魯克台者為太師大興政治矣迨三人去後阿魯克台取糞筐置於地云此非若輩之言也蓋天命耳我乃屬下之人於我何有惟阿寨台吉乃天子之裔惟天神鑒之而已乃向天叩拜維時烏格齊哈什哈已死烏格齊之子

額色庫丁卯年生歲次乙未年二十九歲即位娶巴圖
拉丞相之女薩穆爾稱為額色庫汗乃令鄂勒哲依圖
洪拜濟阿寨台吉母子及阿薩特之阿魯克台太師三
人於額色庫汗家中使役額色庫汗在位十一年歲次
乙巳年三十九歲歿由是薩穆爾福晉懷記烏格齊哈
什哈作惡之仇將鄂勒哲依圖洪拜濟阿寨台吉阿魯
克台太師三人匿而出之遣往母家蒙古地方額色庫
汗歿後額爾克徹古特人衆大亂薩穆爾公主曾向其

父極力叩請以為此際正可用兵其子巴噶穆聞之云
母現有母家他人何得出此言耶其母畏懼遂無語其
時科爾沁烏濟金諾延之子阿岱台吉已佔據前所餘
剩蒙古人衆及三人至彼盡述公主之言阿岱台吉係
丙辰年生歲次庚寅年三十五歲携鄂格德依圖洪拜
濟即君位與阿噶克台以太師名號阿岱汗阿寨台吉
阿噶克台太師三人為首加兵於濟勒滿汗征伐四衛
喇特俘擄巴圖拉丞相之子巴噶穆既至阿寨台吉云

公主姊曾加惠於我等今釋放此子以報之何如阿魯克台太師云狼子不可豢敵嗣不可育昔放出我等時此子曾有惡言阿岱汗以阿魯克台之言為然遂將巴噶穆羈留阿魯克台太師謂之曰昔日爾父巴圖拉丞相曾令我負筐拾糞呼為阿魯克台以供使役今日所值誠如日月旋轉今將昔時爾父之仇即報之於爾因取覆於釜中之義命名曰脫歡役於家內乃阿魯克台太師之妻格呼勒阿哈念其係公主之子甚憐之一日

格呼勒阿哈與之櫛髮適蒙郭勒津之蒙克拜往看見之曰阿哈與其櫛伊之髮辨何如聞之為當言訖而去迨後薩穆爾公主親來懇求太師將脫歡帶回脫歡於四衛喇特為首人衆之前告之曰今蒙古等即如我從前之亂此時若用兵必能取勝薩穆爾公主云此小兒蓋因已身受困為此復仇之言耳何必作惡諫之不聽兵出正遇阿岱汗行圍阿岱汗令賽穆沁薩勒穆沁二衛喇特佩帶梅針箭之撒袋自佩挿四枝大尖披箭

之撒袋以獵其時四衛喇特之台噶特四人叛去汗用
撒袋內之四枝大尖披箭將四人射仆敗去藏於汗之
亭內汗既回徒手並無器械遂被弑脫歡太師乘密爾
織之黃色良馬將亭遶走三次云爾身係索多室從白
色可耳我則索多之後裔脫歡也都沁都爾本二部落
人衆皆曰此乃聖主非僅為蒙古等之君乃統據五翁
格四郭囉勒之汗玉皇上帝之子也報應甚速今觀爾
之言語動作甚屬背謬當作速叩禱聖主以求救命不

之聽而曰我自身性命向誰求乞今衆蒙古等俱為我
有其照從前蒙古汗等尊上汗號耳遂致祭於汗回時
驟聞上之金撒袋錚然有聲近侍之人見中壺內所挿
挑遼箭一枝顫動又見脫歡太師鼻口流血正驚駭間
大衆復見太師血浸透衣兩琵琶骨間正如箭痕浮露
於外而中壺內之挑遼箭一枝帶有血跡其都沁都爾
本二部落人等驚惶以為上不悅所致云隨召其子額
森至囑之曰丈夫中之丈夫索多可謂出類拔萃惜乎

不能保身因涉險尋母索戴為汗所害我已芟盡爾之
芒刺所餘者僅蒙郭勒津之蒙克拜而已言訖即歿阿
岱汗庚午年生歲次丙午年三十七歲即位在位十三
年歲次戊午年四十九歲為脫歡太師所弑阿岱汗與
脫歡太師二人同年而歿脫歡太師之子額森丁亥年
生本年戊午年三十二歲即君位遵其父遺言殺蒙郭
勒津之蒙克拜本日帶領都沁都爾本二部落行兵於
漢地額森汗夜夢伊身轉生聞有人云誰人養此有人

答以除阿索特阿魯克台太師之子阿里瑪丞相之妻
格呼勒阿哈之外誰復扶養耶遂令所屬詳解此夢衛
喇特之巴噶圖特錫賚汗必錫古勒解之曰可擒獲大
明汗付與阿蘇特之阿里瑪丞相由是加兵於大同地
方擒獲大明正統汗謂應夢兆交與阿里瑪丞相留養
於六千烏濟葉特之高阜和煖地方及歸令云誰若將
捉獲大明汗之事先我告知我母我必殺之至家抱其
母云重生我矣母問爾試言擒獲大明汗情形詰問此

係何人所言答以永謝布之布庫索爾遜喜極所言願
森汗不聽其母勸止竟殺布庫索爾遜挂於樹間於是
蒙古衛喇特之首長共相議論以為此次出兵之前殺
一人及撤兵回又殺一人屠戮是務未免不祥又屬下
蒙古等議云前此既殺蒙克拜今又殺索爾遜由此觀
之必將盡殺我蒙古人等矣由是紛紛背叛散離大半
阿賽台吉生三子長子岱總台吉生於壬寅年次子阿
噶巴爾濟台吉生於癸卯年幼子滿多固勒台吉生於

丙午年歲次己未岱總年十八歲即位阿噶巴爾濟年
十七歲令為濟農滿多固勒年十四歲弟兄三人督率
行兵四衛喇特迎戰於吐魯番之哈喇地方衆議欲奪
大隊纛頂務須選派勇士於是蒙古派烏爾哈特之巴
圖魯錫古蘇特衛喇特派布里雅特之巴圖魯珪林齊
是二人彼此詢問名號之後乃云我二人於太平時為
友曾記一日在此地坐飲約云若都沁都爾本二部落
起釁興戎除我二人之外誰復肯出彼時我二人相遇

其如之何哉珪林齊云我善射能穿爾之盔及甲錫古
蘇特亦云我善砍能劈爾之頂及踵至是巴圖魯錫古
蘇特乃服重鎧而出遙呼曰善射之人爾試射之巴圖
魯珪林齊遂先射之將錫古蘇特之重鎧射透稍創軀
體緣側身於鞍後躲過遂復前進砍之竟至珪林齊衣
襟因日落天晚約詰朝再戰是夜相對扎營四衛喇特
甚懼議云其降之耶抑何為耶特凌古斯之阿卜都拉
徹辰云蒙古人見識惡我試往誘之若我身能回即尊

顯我我若死可善待我後裔言訖遂往以為岱總汗聰
智必能覺察阿噶巴爾濟濟農愚昧尚可計取其子哈
爾固楚克有威可畏而材智過人何可用計賺之耶惟
聽命而已於是至濟農之室說之曰濟農爾若獨取則
我等俱欲順從若汗與爾二人分取將何所歸附與為
爾等所制不若死於鋒鏑之為快今額森太師遣我前
來聞汝之兄汗輕爾過甚爾兄一人坐食從不分惠與
弟故乘夜密商之耳濟農云阿卜都拉徹辰之言確而

有理汗兄授我為濟農差往西圖們之時止與一黑色
跛足兒駝今於野地又將我僕人阿勒噶齊特察罕奪
去我何故復視彼為兄而助之乎今與四衛喇特會合
以避彼可耳其子哈爾固楚克諫云嘗聞人若狎匿戚
匪則將下流親護同胞則能發達親護岳父母則人譏
之親護君上則人賢之額森太師雖我之岳翁我則為
父之名譽而言與其倚仗外人不若殺此侵我讎人之
為愈也濟農云孺子安得妄言干瀆是夜遂與阿卜都

拉徹辰遣索倫之和托巴噶輝察固特之蒙克二人會合四衛喇特次早領衛喇特兵來戰其兄岱總汗雖奮力以擊而兵衆紛亂竟不能軍汗云敗矣異哉巴圖魯錫固蘇特叛矣為騰格哩因圖古里克阿卜都拉徹辰所欺矣阿噶巴爾濟濟農凶頑負恩叛逆惜哉名也岱總汗乃騎塔奇淡黃馬敗走奔往肯特汗山渡克呼倫河途遇郭爾羅斯之徹卜登緣從前曾將徹卜登之女阿勒塔噶勒沁出離令回母家此行正與讎人遇徹卜

登欲殺之女諫曰從前我之過若害及博爾濟錦罪莫大矣今彼困頓跋涉若加保護將來自必有益不聽殺之自己未至壬申在位一十四年年三十一歲終於徹卜登之手由是阿噶巴爾濟濟農會同四衛喇特告以昨吾强悍之子哈爾固楚克曾有與其倚仗外人何若逐出殺之以復前仇之語我以威嚇之而止衛喇特之衆蒙古等聞之私相譏誚云此濟農非真濟農乃瑪喇勒額勒濟根應食其肉者也阿噶巴爾濟濟農額勒濟

根之稱由此始矣迨後四衛喇特等密議云濟農為人無異畜類若哈爾固楚克台吉乃將來必能復讎之人活狐安得繫於鞍上乎我等與都沁都爾本結仇至深伊等若懷記此讎何得養育伊等耶遂欲殺其父子額森汗袒護其壻云云伊父雖有過愆然逐其兄而與我合若論此子尚係好人可以為友何必殺之乃阿卜都拉徹辰告於衆曰逐父兄而訟已子不慈不友似此讎人我等何可留之若養其子則尤不可其人之險言語

之狠豈未聞之乎衆皆然之因相計議令阿卜都拉徹
辰往告濟農云都沁都爾本兩部落已為屬下今請濟
農為我等汗即將濟農之號賞給額森濟農云爾等之
言甚是即照所言而行伊等既出哈爾固楚克台吉諫
云上天日月二也下土汗濟農二也索岱之後嗣伊等
之太師丞相二也奈何以已之名與人耶斥責其非不
聽哈爾固楚克又云原無與汗父抗言之理乃為汗之
名譽大統而言惜乎豈自欲隕其黔首乎蓋欲所屬蒙

古人衆底於敗亡耳遂出由是聚集都沁都爾本二部落奉阿噶巴爾濟即汗位以額森太師為濟農詎四衛喇特設計聯絡二大室於後室內掘一大穴覆之以氊大備筵宴遣利口之徹辰往奏濟農以都沁都爾本二部落因濟農已為汗又賞給我等四額爾克楚特濟農之號大施恩惠令甥濟農額森備筵以賀遣令來請舅汗汗許之往及汗往臨詭云隨來之諸兄弟等各帶二人隨入我等逐一把蓋遂將大衆置之遠地令汗帶四

人台吉等各帶二人隨入乃先作按人數算之狀及進
衆大呼按次擒戮皆擲於後室所掘穴內其為羽翼之
三十三人亦盡被殺戮哈爾固楚克台吉知覺密令僕
人伊納克格爾前往偵看以室內並不見一人惟見後
室東邊牆帷縫內流血之語告之哈爾固楚克台吉云
謂之睡則睡矣乎謂之死其已死矣乃帶伊納克格爾
逃出適衛喇特遣勇士三十人往追遂匿於翁衮哈雅
哈卜察該山有衛喇特之色勒必斯巴圖爾圖林等三

人身穿重鎧登山而來伊納克格爾射透重鎧及其後
二人皆滾仆嗣托爾郭特之察拉斯圖爾根服三層鎧
甲持槍而上伊納克格爾云我非此人敵手台吉試射
之台吉乃指其心窩射之直透三層鎧甲箭出背後察
拉斯圖爾根既仆餘人竄去於是二人商議我等步行
可往何處是夜伊納克格爾盜取額森汗名博郭喇哈
卜織黑馬名額爾默克錫爾噶沁線臉騾馬黑馬與台
吉乘騎自乘錫爾噶騾馬以通瑪克汗珠齊之後嗣原

係姻戚遂投往通瑪克地方適遇通瑪克之阿克蒙克
富人台吉遂與彼同居諭令伊納克格爾往探額森太
師存否都沁都爾本二部落人衆近狀若何探明以告
若再有閒暇往看我妻齊齊克如未適人即接來與我
相見其時額森汗已即位佔據都沁都爾本矣其後彼
富人行圍驅有香獐十隻而至台吉赦其一餘皆殺之
阿克蒙克之弟章錫蒙克變色以為大謬因射殺台吉
維時台吉之僕人伊納克格爾既歸捉獲阿克蒙克牧

馬之人詢之告以台吉被害情狀遂殺牧人取馬一羣
往見齊齊克拜濟哈屯哈屯問其故哭訴云我台吉被
通瑪克之人所殺將我折磨差使我今逃出來歸額森
汗初齊齊克拜濟其父曾欲令其再適矢誓以未聞哈
爾固楚克之死斷不適人懷孕七月與哈爾固楚克相
離越三月本年壬申分娩其父額森汗云齊齊克若生
女則留之若生男則殺之齊齊克聞之乃將其子之胞
系掣縛臀後來看之人誤以為女而去其人既出齊齊

克拜濟即將察哈爾之呼拉巴特鄂托克之鄂推媽媽
之女置於搖車內前往薩穆爾公主媽媽處訴其故公
主遂取其子命名巴延蒙克付與高麗之僧格勒都爾
之妻哈喇克沁戴福晉乳哺養育後額森汗之孫欲殺
此子薩穆爾公主媽媽謂之曰爾以其將來長成不知
為何如人以為讎耳然既係我裔豈非爾之甥乎我子
脫歡若在亦向我如此言乎額森之孫爾欲害我之孫
乎怒以責之額森之孫懼默然而出又議以欲絕博爾

濟錦之後媽媽不允今須背公主潛殺之伊納克格爾聞知告之公主公主云若有妄實之人可遣往蒙古地方伊納克格爾答以十三歲時曾率領本旗効力於衛喇特之烏格特依太保彼以未嘗施惠於我為憾今我前去試探其言遂往見巴圖爾烏格特依謂之曰爾欲建功今齊齊克拜濟三歲子額森欲殺之爾若告知公主將其子送往蒙古地方不但爾之一身以及爾之後世皆可為蒙古之巨擘矣烏格特依太保然其言往見

公主訴云聞額森欲殺此子我願送往汝之母家公主
喜甚謂之曰誠如汝言善無過於此者乃令衛喇特中
明安之烏格特依太保喀喇沁蒙古之博賚太師薩爾
塔郭勒之巴延岱墨爾根鴻吉喇特之額塞墨太保四
人送往並有鄂羅郭特尋來助給口糧將伊女錫吉爾
許與巴延蒙克台吉為妻公同保護遣令歸宗從此得
安居矣彼時衛喇特右翼之阿拉克丞相左翼之特穆
爾丞相二人前來告於額森汗云爾已為都沁都爾本

二部落之汗矣今可將爾太師之號給與阿拉克丞相
汗答以我未計及爾等出此言已與我子矣二人大恚
云爾不過仗阿卜都拉徹辰之計巴圖拉巴圖爾之謀
尼根德墨爾根之力承受蒙古之統耳豈以爾之善乎
試看爾父子二人承受都沁都爾本之統言訖而去旋
乘馬來戰額森汗敗走遂擄取妻子房產額森汗隻身
逃出被布庫索爾遜之子巴郭擒殺肆諸庫克汗山樹
上初額森汗擒獲大明正統汗有阿薩特之阿里瑪承

相將女摩羅給與正統汗命名察罕秀薩於家中使役
自是本處旱潦災害遂多一夜察罕秀薩睡卧阿里瑪
丞相之婢晨起擠取牛乳見察罕秀薩碗內現出霞光
盤旋告知哈屯哈屯等互相傳說衆皆往看共相駭異
以為此乃大有福之人自將伊擒獲以來頗為不利今
復有此兆顯係非常之驗可將此人送回其國遂將大
明正統汗送回並出六烏齊業特盛以大都之金銀大
庫內難以負任之什物與之正統汗所娶蒙古地方之

女名摩羅者生子朱泰薩為阿薩特之女塔勒拜之壻
後聞額森汗已歿岱總汗續娶之福晉薩睦爾太后生
一子名蒙古勒克呼青吉斯丙寅年生年七歲貯於皮
櫃以馬負之伊母薩睦爾福晉持刀帶領騎牛乘馬及
步兵出師由庫奎扎巴哈往伐四衛喇特大有俘獲撤
兵而回即奉蒙古勒克呼青吉斯台吉即位維時七歲
稱為烏珂克圖汗撫綏所餘蒙古人衆歲次癸酉年八
歲為多倫土默特之多郭朗台吉所害初岱總汗離異

阿勒塔噶勒沁福晉時曾留其三歲子係丁巳年生名
摩倫台吉年十六歲徹卜登謂係已甥收養之歲次癸
酉徹卜登既歿乃役於郭爾羅斯之和巴齊爾家緣本
國忽有大警令筮人卜之云是爾等害博爾濟錦之報
也因有其事衆甚畏懼遂遣克木齊古特之達噶泰郭
爾羅斯之摩勒泰二人送往翁里郭特之摩里海王處
於是所有人衆咸云國祚惟汝奠定之今奉汝即汗位
遂備奎蘇圖黃馬挿金杆牽至上前上是時年十七歲

即汗位其後高麗之和托卜罕來告摩倫汗以摩里海王與薩滿岱福晉計議欲伐爾已帶兵前來摩倫汗云伊與我相好今並無間隙何以交惡不信其言遣人往覘之適見摩里海王在其家左近行圍颺起飛塵遂中道而回告稱實有塵跡颺起汗云果爾可即迎戰於是帶兵往迎汗乘馬之際和托卜罕忽逸去先告云摩倫汗欲殺爾以擄掠爾之僕役人衆業已興兵前來摩里海王以曾加惠於彼未嘗作惡何以構兵於我耶不之

信和托卜罕又以我言為虛試遣哨探人往看為之請
摩里海王自思此誤傳耳欲親自登高眺望遂乘馬登
眺果見踪跡乃急裹甲向天禱云上天垂照君汗鑑察
我曾大有裨益於汗之後裔今反以惡報我貴裔摩倫
汗與鄙人摩里海王二人無論賢否為憎為愛惟君汗
鑑之遂以少兵交戰竟戕及摩倫汗摩倫汗自癸酉至
甲戌在位二載年十八歲歿摩倫汗之蒙古徹福晉慟
哭云使玷可惜之盛名使我離異君汗者和托卜罕也

使盛業廢墜屬衆皆離異我君汗者和托卜罕也私向
摩里海王獻讒以離間君汗者和托卜罕也摩里海王
聞之為摩倫汗悼悔將和托卜罕割其舌而殺之摩倫
汗無嗣歿後其叔阿寨台吉之衛喇特福晉所生一子
名滿都古勒台吉者係丙午年生歲次癸未年三十八
歲即位為烏珂克圖汗復仇興兵殺哈齊金之姻親多
郭朗台吉收撫多倫土默特適於彼處邂逅表弟巴顏
蒙克台吉錫吉爾拜濟二人與原送往之四大臣及伊

岳父同齎口糧而來滿都古勒汗甚為欣悅以為此可
以續博爾濟錦之嗣矣遂給巴延蒙克博勒呼濟農名
號滿都古勒汗為與摩倫汗復仇加兵於摩里海王時
鄂囉郭特巴圖爾錫古蘇特之子烏訥博羅特王乘薩
爾黨貉皮馬引導追殺之由是滿都古勒汗與博勒呼
濟農兄弟二人和好其散佚之六萬人衆俱收撫矣滿
都古勒汗有福晉二人大福晉乃衛喇特之伯格呼遜
台吉之女稱伊克哈巴爾圖鐘金小福晉乃恩袞綽囉

克拜特穆爾丞相之女稱滿都海徹辰福晉乃博勒呼
濟農之哈里古沁鴻郭賚向滿都古勒汗讒間以汗弟
博勒呼濟農欲加惡於汗以取伊克哈巴圖爾鐘金汗
不信云博勒呼濟農斷不出此惡言似爾如此讒間我
兄弟之人須懲治之遂削鴻郭賚之唇而殺之迨後永
謝布之伊斯滿太師奏汗以鴻郭賚之言本真乃無罪
就戮實屬可憫又赴濟農告以爾兄汗已信鴻郭賚前
言欲加惡於爾濟農不信又云爾如不信試汝之人將

來矣遂出汗前後聞是言遂以為實遣使二人往見之
曰爾因何與我如此結仇或曾告我以鴻郭賚之言為
實汗使言畢濟農以為遣人探我果如人言遂怒不出
一語使人回告濟農發怒並無回言汗以為實怒云今
我除博囉克沁伊錫克二女外並無子嗣將來我之僕
役人衆皆為彼有今不速發尚何待耶遂遣伊斯滿太
師率衆往擒濟農逃避未獲遂掠其產其錫吉爾福晉
永謝布之伊斯滿太師佔為妻先是博勒呼濟農娶錫

吉爾福晉時於甲申年生一子名巴圖蒙克交巴勒噶沁之名巴該者藏匿養育滿都古勒汗之博囉克沁伊錫克二公主俱係小福晉滿都海徹辰所生伊克哈巴爾圖鐘金無所出以博囉克沁公主下嫁於鄂尼郭特之伯格呼森伊錫克公主下嫁於蒙郭勒津察庫特之科賽塔布囊滿都古勒汗自癸未至丁亥在位五年年四十二歲歿歲次戊子博勒呼濟農年二十九歲時生巴延蒙克歲次庚寅年三十一歲為永謝布之克哩葉

察罕特穆爾蒙克哈喇班迪等五人所害先是其子巴圖蒙克四歲時其母錫吉爾福晉為伊斯滿太師所娶生巴布岱布喇該二子伊斯滿太師去時以巴勒噶沁之巴該不善撫養巴圖蒙克乃取回交唐拉噶爾之特穆爾哈達克養育此子因自幼離去父母遂得膈症特穆爾哈達克之妻賽海銍穿銀碗底以治之獲痊由是科爾沁之烏訥博羅特王欲取滿都海徹辰福晉滿都海徹辰福晉云君之後裔若俱已斷絕則此亦君之屬

族似乎可行但聞君之姪巴圖蒙克現在特穆爾哈達
克處既有伊在我斷不適他人阿勒噶察特桑該烏爾
魯克然其言遂止不與滿都海徹辰福晉詢問郭爾羅
斯之薩岱昨科爾沁之烏訥博羅特王曾有言道及今
此子至若此二人往何處為菩薩岱云與其等候幼子
不如往適烏訥博羅特於大眾有益復向桑該烏爾魯
克之妻扎哈阿海如前詢問扎哈阿海答以若適哈薩
爾之子則引入惡途離却屬衆恐敗福晉之名若守汗

之子則上天保佑爾等據有國衆可以表揚福晉之名
譽徹辰福晉以扎哈阿海之言為是而責薩岱云爾謂
汗之子幼冲以哈薩爾之子年富是以我福晉寡居故
以言戲侮耳遂取熱茶一盞自頂上傾灌之其年庚寅
巴圖蒙克年已七歲携其手引至今家宰蒙肯伊喇古
祈天禱祝畢向母老福晉云埋沒於善惡不分之處今
得聞世傳汗位博爾濟錦後裔之名因訪知哈薩爾之
子烏訥博羅特意欲娶我故恚而來求於福晉母氏之

亭昔以花馬為勢乃謂此姪沖幼大叔哈薩爾之子可
來此資養豈以母氏之門庭輕薄闕閱低微而來乎抑
謂以所仰望非若烏訥博羅特之盛大而不去乎祈老
母福晉鑑察愚媳之誠心竭誠具奏母后嘉其堅心不
移等候幼子巴圖蒙克婚配愛而憐之俾其左生七男
右生一女循此以生名為七博羅特庶使生齒繁衍遂
令之回烏訥博羅特以其言為是泣下遂息前言不及
一字較前和好有加矣滿都海徹辰福晉係戊午年生

年三十三歲巴圖蒙克係甲申年生年七歲定為夫婦
本年庚寅因欲佔據達延國遂稱為達延汗於老福晉
前即汗位由是聰睿滿都海徹辰福晉將髮向上纏裹
將國主達延汗貯於皮櫃內以馬負之加兵於四衛喇
特大戰於塔斯博爾圖勝之擄獲無算其後滿都海徹
辰福晉一乳生圖魯博羅特烏魯斯博羅特二子其次
一乳生圖魯勒圖公主與伯爾色博羅特二人次生阿
爾蘇博羅特一人又其次一乳生阿勒楚博羅特幹齊

爾博羅特二子迨後興兵往征四衛拉特時滿都海徹
辰福晉墜馬洪奇喇特之額色壘太保徹辰濟古爾達
爾罕巴勒噶沁之巴延布庫阿薩特之巴圖博羅特等
四人保護兼騎巴雅古特之上好黃馬衛之而出由是
養成二子不取阿爾蘇博羅特一人教養之奉老福晉
之命此其母滿都海脫誠善念之所致也乃大設筵宴
以慶賀之

欽定四庫全書

欽定蒙古源流卷六至八

主事臣陳若霖覆校

總校官檢討臣何思鈞

欽定四庫全書

欽定蒙古源流卷六

額納特珂克土伯特蒙古汗等源流

其扎賚爾呼圖克寶古錫之女蘇密爾福晉生格呼博
羅特台吉格呼森扎台吉二人衛喇特巴圖特巴噶爾
觀鄂托克之阿拉克丞相之子孟克類阿古勒呼之女
古實福晉生鄂卜錫衮青台吉格呼圖台吉二人共歷
十一汗俱係永謝布之伊斯滿太師專擅事權郭爾羅

斯之托郭齊實古錫聞此倡議遣兵往掠遂殺伊斯滿
太師令錫吉爾福晉乘馬乃哭悼伊斯滿太師遂巡不
前托郭齊實古錫怒甚謂之曰得母以結髮之賽音濟
農為下賤乎得母以親生之子達延汗為庸惡乎得母
以所屬之察哈爾土默特為陋劣乎得母以肆行結讐
之伊斯滿太師為嘉美乎言訖拔刀相向始懼而上馬
衆皆嗤笑托郭齊實古錫遂娶伊斯滿太師之妻郭羅
泰為妻以錫吉爾福晉與汗完聚旋據右翼三萬人處

遣鄂爾多斯哈爾噶坦之拜音珠固爾達爾罕永謝布
之布哩雅特之珠爾噶岱墨爾根圖們毛明安之多郭
蘭阿固勒呼等三大臣帶領三十人前來請曰有洪福
君汗業已即位旦夕擊滅仇讐幸及見上天符應滿都
海徹辰福晉祝辭衍慶誕育七博羅特君汗所有供奉
八白室中之瑩瑩高燭時然馥馥美香雖出六大處屬
衆之貢賦仍須永久承治之濟農請於君汗之諸子中
簡畀汗與福晉大衆僉許之以烏魯斯博羅特授為右

翼三萬人之濟農令郭爾斯之巴巴該烏爾魯克隨
往稱為阿巴海至汗之陵墓欲於次日叩謝立為濟農
之恩時永謝布之伊巴哩台吉與鄂爾多斯之滿都賚
阿都勒呼二人密商以為我等之上何用管主我等行
事自作主宰可也我等其殺此阿巴海遂密教錫巴郭
沁之名博勒卓瑪爾者俟至翌日我等齊集叩謁時爾
以阿巴海所乘者係爾等之馬與之爭鬪我等當以言
嚇之次日三人依約值阿巴海乘馬前來博勒卓瑪爾

進前以所乘之馬係伊之馬遂牽其繮阿巴海雖係從容分辨不允阿巴海發怒抽所拔順刀以砍博勒卓瑪爾之頭伊巴哩滿都賚二人大怒云伊今初到即如此舉動日後殆欲盡除我等乎遂欲殺阿巴海舉事之際鄂爾多斯哈爾噶坦之拜音珠固爾達爾罕諫云此乃公同商議以衆庶無主難以行事因懇請君汗遣一子前來今若作惡於阿巴海不畏上天鑒察耶伊巴哩滿都賚二人不從首先著甲而至是時洪吉喇特之巴圖

爾庫呼遜以其所乘紅沙馬給阿巴海云衆人之情形殊異阿巴海其避出迨不能拒遂藏匿於白室之內當其交戰時鄂爾多斯之名圖默特巴雅里袞者射穿伊巴哩之腹阿巴海正在令人擒縛之際脊背被射而殞其後巴爾斯博羅特賽音阿拉克養育於伊姊額錫格公主噶海之手曾住於蒙郭勒津察庫特之郭錫塔布囊之家巴爾斯博羅特因伊兄授為濟農欲叩謝上恩郭錫塔布囊以此時難以遽信令其乘上好黃馬往依

鄂爾多斯之特穆爾處由此相惡而亂生矣賽音阿拉克乘上好黃馬與特穆爾一同避去而額錫格公主郭錫塔布囊二人商議此子我等既不能護養可送與伊父即咨詢護送之親信人當令鄂爾多斯庫伯古特之特穆爾烏格新之巴克蘇固里浩爾濟達拉特之吹圖爾根烏喇特之推瑪克布喀斯之恩庫爾星和爾之阿哈岱蒙郭勒津之畢里克圖等七人往送又令一婦人隨賽音阿拉克之博坦福晉併將三歲之孩必里克帶

往僅留阿勒坦蒙郭勒津之錫尼凱烏爾魯克額伯格
衣阿哈二人自是往尋汗父途中口糧斷絕採野葱且
食且行特穆爾復殺一野騾以接續口糧遂得尋至達
延汗乃特賜特穆爾太師名號其餘七人均施恩復其
家馬旋帶兵以征右翼三萬人甫入翁觀山谷急欲出
谷駐營乃達拉特之巴圖爾訥古哱凱趕牛吹海螺行
走左翼三萬人疑牛蹄踐踏之聲為甲冑之聲以為兵
至紛亂逃避達延汗之額伯爾黃馬涉河半渡倒落汗

之盛纓陷入泥淖極深不能起立因呼曰號已蘇特托
觀之糖紅兒馬陷住扎固特之察罕徹格濟二人回身
救出乘馬而行因黑夜不辨谷口越矮山行去衆人之
馬鞍俱各脫落遂名此山為英噶爾察衮嶺云適有已
圖魯訥古噶凱作歌曰靜坐之人無異一夢其隨來之
左翼土默特是歟非歟惟帝天鑑之以理教誨者圖爾
根哈屯也勿遽擾攘者大金屋也達延汗既旋師駐蹕
後伊巴哩滿都賚二人為首派三萬兵前往而浩錫塔

塔布囊於隊內藏匿二人遣往致信於達延汗云分散
之後追趕克錫克騰克木齊古特二鄂托克直至噶海
額勒蘇地方而回乃浩錫所遣之二人以行兵既回之
後我之巴圖魯訥古呼凱曾如此作歌之語奏聞於汗
汗大怒向天叩拜而祝曰忽起惡念前來征伐者因伊
巴哩滿都賚無故加害烏魯斯博羅特阿巴海之故也
而巴圖魯訥古呼凱肆言訛誚者何也祈帝神質此以
鑑焉向天告祭禱訖遂令阿巴噶科爾沁等帶領左翼

三萬人前往征之而右翼三萬人聞汗行軍前來迎會
於達蘭特哩衮地方汗降旨云鄂爾多斯者乃為汗守
禦八白室之人烏梁海者乃為汗守金穀倉庫之人均
屬大有福者其令科爾沁阿巴海阿巴噶岱禦之十二
土默特與十二鄂托克喀爾喀同為輔助俱於大永謝
布處與八鄂托克察哈爾相會諭訖科爾沁之鄂爾多
固海諾延之子布喇海巴圖爾台吉鄂哩延之巴圖魯
必扎該扎固特之賽音徹格濟五鄂托克喀爾喀之巴

噶遜塔布囊克錫克騰之巴圖魯烏魯木五人引入使
喀爾喀擊土默特察哈爾擊永謝布于是鄂爾多斯之
哈爾塲坦拜音珠固爾達爾罕奎圖特之達爾瑪達爾
罕哈里郭沁之烏特哈齊昆都楞土默特杭錦之阿勒
楚賚阿固勒呼洪吉喇特巴圖魯庫哩遜永謝布布
喇哈特之索克唐諤布喇杭諤喀喇沁之莽郭勒岱和
錫郭齊七人呼名而來會合引入由烏梁海中間縱橫
突戰巴爾斯博羅特賽音阿拉克帶領巴圖魯四十人

前來引入由土默特中間鄂爾多斯背後來援襲戰之際鄂爾多斯之孟庫庫托克齊知係賽音阿拉克乃云賴君汗威福汗之後裔前來遂舉纛投降由是賽音阿拉克建立大纛立於其下而誤認纛形追趕烏梁海前來之鄂爾多斯之兵大半死焉因此右翼內或有投降者其餘被達延汗驅至青海將三萬人盡行收服於阿津柴達木之上將鄂爾多斯之滿都賚阿固勒呼殺死遂名為阿固勒呼柴達木云永謝布之伊巴哩太師隻身

迷路入於白帽之哈密城被其所殺達延汗遂收服
右翼平定六萬兵民大衆於君汗之八白室前稱汗號
於十一子內令博迪承襲汗位因巴爾斯博羅特帶右
翼之三萬人投來即令為管右翼三萬人之濟農併授
賽音阿拉克為管三萬人之濟農其資送博勒呼濟農
之四人幫助滿都海徹辰福晉之四人以及効力於賽
音阿拉克之七人護持達延汗被擄時之唐拉噶爾之
特穆爾哈達克戕害阿巴海時諫勸之哈爾噶坦拜音

珠固爾達爾罕給與阿巴海上好沙馬乘騎之洪吉喇
特之巴圖魯庫哩遜給與阿巴海順刀護衛阿巴海之
格倫諾延鄂爾多郭特太師射穿伊巴哩腹之巴雅木
里袞達爾罕領頭目七十人入隊左翼三萬人內五人
以下凡有出力一切人等俱賞給岱達爾罕名號勅諭
金印其扎嚕特之巴噶遜達爾罕塔布囊以滿都海徹
辰福晉所生之圖魯勒圖公主降焉越時烏梁海格
根丞相托噶台哈喇呼拉特為首以烏梁海萬人謀

叛達延汗率察哈爾喀爾喀兩部落之兵往征之並致
信於巴爾斯博羅特濟農之子帶右翼三萬人前來攻
入遂與烏梁海萬人交戰左翼三萬人內則有喀爾喀
扎嚕特之巴噶遜達爾罕塔布囊察哈爾扎固特賽音
徹格濟之子訥克貝昆都楞哈什哈二人右翼三萬人
內則有鄂爾多斯哈爾噶坦之拜音珠固爾達爾罕土
默特杭錦之阿勒楚賚阿固勒呼二人此四人與頭隊
之兵拒戰破烏梁海大隊收其餘衆併入五萬人內稱

為六萬人此達延汗將六萬人全行收服致蒙古國於
太平之原委也在位七十四年歲次癸卯年八十歲而
歿其子圖噶博羅特烏魯斯博羅特二人係壬寅年生
圖噶勒圖公主巴爾斯博羅特二人係甲辰年生扎爾
蘇博羅特幹齊爾博羅特二人係庚戌年生扎拉爾福
晉所出之格呼博羅特係壬寅年生格呼圖台吉係辛
亥年生圖噶博羅特於汗在時歲次癸未年四十二歲
歿子博迪台吉生於甲子年至甲辰年四十一歲即位

科爾沁之巴圖爾摩羅蘇建議右翼原係強幹之儔或
征掠以離散之或酌量入於左翼均分之博迪阿拉克
汗然其言正欲往征右翼之際察噶青安桑太后降旨
曰爾等議以均分此三萬人乎從前科爾沁之蘇爾塔
該王既破達蘭特哩袞之大隊後奏曰此右翼三萬人
若仍留一處必貽患於後嗣若將兩部落人等兼攝於
察哈爾巴雅爾而令大永謝布之二十萬科爾沁與我
和同將十二土默特合併於十二鄂托克喀爾喀庶可

久安我烈祖曾降旨詰責曰戕害我子之讐人業已尋
得伊巴哩滿都賚二人之惡業已敗露若將此四十萬
蒙古所餘之六萬人盡滅之豈得為人主之功乎今爾
自以為勝於我烈祖乎乃違其旨而欲吞此右翼三萬
衆耶一則我烈祖所定永固昇平之大統豈得毀壞二
則曾聞賽音阿拉克之長子衮必里克墨爾根濟農之
子布揚郭賚都噶爾岱青人稱為見敵則不退縮擊之
則披堅死戰勇於戰鬪之大巴圖魯其伊勒特阿勒坦

之子僧格都古稜特穆爾則稱為能著全副盔甲跳越台拉克之駝隻墨爾根濟農之子諾木塔爾尼郭幹台吉之子庫圖克台沙津台吉則稱為能知既往未來之默爾根布揚郭賚都噶爾岱青之子伯爾格岱綱台吉則張弓能兩臂相向遂稱為鄂勒博克圖鄂庫克能將馳狐之尾按節射斷伊弟布爾賽哈坦巴圖魯能穿射三鈎今若相殘能之固善如不能則人已皆致騷動矣因降旨諫阻子博迪阿拉克汗遵母后之言遂止不行以

致大國安享太平在位四年歲次丁未年四十四歲歿
生子達賚遜庫登台吉庫格珠特台吉翁袞都噶爾三
人長子達賚遜庫登台吉甲辰年生歲次壬申年二十
九歲於白室前稱汗號與右翼三萬人和睦相會而旋
阿拉克第二子阿勒坦來迎向汗求賜號云今統治已
平原有護衛汗治索多汗小汗之號祈即將此號賜我
我情願護衛大統汗然之遂與以索多汗之號由是庫
登汗之號遍處稱揚平治政統俾大蒙古國安享太平

因為時命所奪歲次辛巳年三十八歲歿生于圖們台
吉達賚巴噶達爾罕岱青台吉三人圖們台吉乙亥年
生歲次癸卯年二十九歲即位歲次壬子年三十八歲
往見盤結腰刀之噶爾瑪喇嘛遂受禪教聚集六萬人
傳示大政令左翼三萬人內察哈爾之阿穆岱鴻台吉
喀爾喀之衛徵索博該右翼三萬人內鄂爾多斯之庫
圖克台徹辰鴻台吉阿蘇特之諾木達喇古拉齊諾延
土默特之楚嚕克鴻台吉執政理事遂稱為扎薩克圖

汗共致大國治統大平由珠爾齊特額里古特達奇鄂爾三部落取其供賦俾大衆安戢在位三十五年歲次壬辰年五十四歲歿生子布延台吉等兄弟共十一汗長布延台吉己卯年生歲次丁巳年三十九歲即位大衆稱為徹辰汗以政治佛教致大國於太平歲次丁卯年四十九歲歿生子莽和克台吉喇卜噶爾台吉茂奇塔特台吉弟兄三人長子莽和克台吉於父在時即歿生子陵丹巴圖魯台吉桑噶爾濟鄂特罕台吉二人長

子陵丹巴圖爾台吉壬辰年生歲次甲辰年十三歲即位大衆稱為庫圖克圖汗從邁達哩諾們汗卓尼綽爾濟等承受秘密精深之灌頂扶持經教歲次丁巳年二十六歲又遇薩斯嘉班辰沙喇巴胡土克土復承受秘密精深之灌頂創修昭釋迦牟尼佛廟以及各項廟宇於一夏季趨趕建造所有牌位神座俱已造成照前整齊經教因至五百年末運遂分為六大國而稱君焉達延汗之子孫及汗之族屬民衆因背道違理肆意而行

故不能身享太平譬之諺云君一怒而失國象一怒而破城也汗一味恚怒不悅欲收六大國之統治在位三十一年歲次甲戌年四十三歲以壽終此達延汗之長子圖魯博羅特歷代相傳之政統也次子烏魯斯博羅特無子令巴爾斯博羅特賽音阿拉克統率右翼三萬人之衆阿爾薩博羅特墨爾根鴻台吉統率七萬人之衆阿勒珠博羅特統率內五鄂托克喀爾喀格呼森扎統率外七鄂托克喀爾喀幹齊爾博羅特統率察哈爾

之八鄂托克克什克騰格呼博羅特統率察哈爾之敖
罕奈曼阿爾博羅特統率察哈爾之蒿齊特烏巴繖察
統率阿蘇特永謝布二處其格呼圖台吉無子巴爾斯
博羅特之子衮必里克墨爾根濟農阿勒坦汗拉布克
台吉巴雅斯哈勒昆都楞汗巴延達喇納琳台吉博迪
達喇鄂特罕台吉塔喇海台吉等共兄弟七人長子衮
必里克墨爾根濟農丙寅年生佔據鄂爾多斯萬人而
居阿勒坦汗丁卯年生佔據十二土默特而居拉布克

台吉丁卯年生佔據土默特之烏古新而居巴雅斯哈
勒庚午年生佔據永謝布之七鄂托克喀喇沁而居巴
延達喇壬申年生佔據察哈爾之察罕塔塔爾而居博
迪達喇甲戌年生幼時曾戲作歌有欲將阿濟實喇二
人剿滅佔據阿蘇特永謝布而居之語因烏巴繖察青
台吉之子實喇兄弟相殘責阿濟以殺弟之罪而實喇
無嗣被害衆議以為歌驗遂將阿蘇特永謝布二處令
博迪達喇佔據而居塔喇海幼亡初賽音阿拉克之父

年二十九歲於壬申年為濟農在位二十年歲次辛卯
年四十八歲卒其後衮必里克墨爾根濟農歲次壬辰
年二十七歲為濟農與弟阿勒坦汗二人為首率右翼
三萬人行兵中國至音達噶山谷口明兵迎戰墨爾根
濟農之子布揚古賚都喇勒岱青阿勒坦汗之子僧格
都古楞特穆爾二人衝入明兵隊內來往突擊三次大
破音達噶大隊撤兵而回其衮必里克墨爾根濟農之
大福晉土默特杭錦愛蘭塞格爾之女名唐素克者所

生諾延達喇濟農拜桑固爾台吉二人喀爾喀扎賚爾
額森沙津之女名額實格之鄂克福晉所生衛達爾瑪
諾木歡諾延一人土默特蒙郭勒津察古特之和實塔
布囊之阿勒坦綽賽音福晉所生諾木塔爾尼郭幹台
吉布揚古賚都喇勒岱青班扎喇衛徵諾延巴特瑪繖
巴幹徹辰巴圖爾四人永謝布之伊巴哩太師之女阿
穆爾津福晉所生阿穆爾達喇達爾罕諾延鄂克拉罕
伊勒登諾延二人共謂之九汗墨爾根濟農為濟農十

九年歲次庚戌年四十五歲卒子諾延達喇壬午年生
歲次庚申年三十九歲為濟農于是兄弟九汗分析另
居諾延達喇濟農佔據四營拜桑固爾癸未年生佔據
右翼扣克特錫包沁烏喇特圖伯特衛達爾瑪癸未年
生佔據右翼達喇特杭錦墨爾格特巴罕諾木塔爾尼
甲申年生佔據右翼巴蘓特衛新布揚古賚丙午年
佔據右翼伯特金哈里郭沁班扎喇戊子年生佔據左
翼浩齊特克里野斯巴特瑪繖巴幹庚寅年生佔據左

翼察哈特明阿特科爾沁之三十四處阿穆爾達喇辛
卯年生佔據右翼四鄂托克衛郭爾沁鄂克拉罕癸巳
年生佔據右翼三鄂托克阿瑪該而居自是諾延達喇
原配福晉生子布延巴圖爾鴻台吉諾木圖都古稜諾
延鄂木布達賚諾延必巴錫鄂特罕諾延續娶福晉生
子莽固斯楚克庫爾兄弟共五人拜桑固爾生子愛達
必斯達顏延諾延諤巴卓哩克圖諾延塔噶濟宰桑諾延
昆都楞諾延兄弟四人衛達爾瑪生子達奇和碩齊鴻

台吉海努克巴圖爾諾延阿恰昆都楞岱青楚嚕克青
巴圖爾托濟徹辰控庫爾庫色勒衛徵卓哩克圖兄弟
六人諾木塔爾尼郭幹台吉之尼袞特古斯徹辰福晉
生子庫圖克台徹辰鴻台吉布延達喇古拉齊巴圖爾
賽音達喇青巴圖爾德勒格爾福晉生子阿穆達爾墨
爾根台吉共兄弟四人布揚古賚之托遜珠拉福晉生
子伯勒格岱綢諾延布爾賽徹辰岱青兄弟二人巴扎
爾之哈屯珠拉生子多爾濟達爾罕岱青鍾都賚衛徵

諾延恩克和碩齊兄弟三人巴特瑪三巴幹之阿勒坦
珠拉福晉無子衆議以為若將伊之屬衆各處分佔令
其父母離散實屬難行因令巴扎爾之子多爾濟佔據
四鄂托克於是兄弟三人共相和睦將四鄂托克令達
爾罕岱青佔據而居阿穆達爾生子圖墨德達爾罕岱
青明安之額葉齊諾延必巴錫台吉兄弟三人鄂克拉
罕生子克齊吉伊勒登諾延貝博哩諾延庫圖克泰台
吉兄弟三人阿勒坦汗年四十七歲歲次壬子行兵四

衛喇特于控奎扎卜罕地方殺奈曼明安輝特之諾延瑪尼明阿圖將表兄并甥婦以及二子並所屬入衆全行收服佔據四衛喇特至十九年取其城行兵中國侵凌騷擾明人大懼遣使阿勒坦汗給與孫王之號并給金印講和阿勒坦汗六十六歲歲次辛未與大明隆慶共攝大統大頒庫藏不計其數六十八歲歲次癸酉行兵薩哈連圖伯特地方將上下沙喇衛郭爾二部落阿木多喀木之阿哩薩噶爾齊斯奇巴喀嚕卜倫布木薩

爾唐薩哩克卜之三諾延以及所屬人衆盡行收服阿
哩克喇嘛固密蘇噶巴克實二人率所屬一同歸附於
是阿哩克喇嘛為汗解脫三惡緣及來世罪孽昇至色
究竟天嘑誦大利益區別取舍等經汗遂崇志經典
始念六字心咒其庫圖克圖徹辰洪台吉庚子年生歲
次壬戌年二十三歲行兵四衛喇特于額爾齊斯河征
勦土爾扈特擊殺喀喇博郭羅堅立黑纛於竈君之前
將錫木必斯土爾扈特存留一半安置其地遂撤兵歲

次丙寅年二十七歲行兵圖伯特次於錫里木濟之三河交會地方大布爾薩喇嘛禪師喇嘛達爾罕喇嘛為首遣使致信於烏松都爾三津河勒坦三津云爾等若歸附於我我等共此經教不然我即加兵於爾彼甚畏懼互相商議已逾三日二弟諫言何須久待立即進兵兄徹辰鴻台吉云詰朝日出時有喇嘛三人前來其正中坐之喇嘛必向我善言之可姑待之耳至次日清晨果有喇嘛三人來謁正中坐者名達爾罕喇嘛向徹辰

諾延講論徹辰諾延問云爾族中有稱幹齊爾托密之
墨爾根桑噶斯巴者否答以並無此人因諭之曰爾等
及今回去即率衆投誠不加譴於爾等矣遣之回次日
幹齊爾托密桑噶斯巴正在牧馬而行見一騎虎鬚眉
間放出火焰之人趕至又作為欲行追逐入屋之狀而
去因將此緣由告諸衆人伊叔達爾罕喇嘛云昨觀徹
辰諾延非常人也是蓋其汗變化以示異耳何可避匿
不如同我等前去遂領至相見果即前騎虎追逐之諾

延也甫一相見即如素識之人呼桑噶斯巴而問曰爾
昨日緣何避我爾若非化白鳳而去我彼時即擒爾矣
伊叔達爾罕喇嘛聞是語顧其姪曰我前未與爾言之
乎於是收服三部落圖伯特帶領巴克實喇嘛阿斯多
克賽音班第阿斯多克幹齊爾托密桑噶斯巴等三人
至蒙古地方以烏堪珠沁丹與幹齊爾托密為妻並給
以圭溫歡沁之號尊為各官之首領焉其二弟布延達
喇古拉齊巴圖爾壬寅年生年三十一歲賽音達喇青

巴圖爾乙巳年生年二十八歲歲次壬申行兵托克摩
克於實喇莫楞地方擊敗阿克薩爾汗掠取屬衆並擄
獲秋格依福晉青巴圖爾收為已妻撤兵而回至尼楚
袞哈薩拉克地方阿克薩爾汗領兵十萬追至交戰青
巴圖爾年二十八歲布爾賽岱青丙午年生年二十七
歲徹辰鴻台吉之長子鄂勒哲伊勒都齊丙辰年生方
十七歲三人首先進攻由西北方鏖戰固拉齊巴圖爾
由正中冲入所乘之馬為阿嚕庫克射斃易馬而戰馬

膝又中箭而倒為殿後兵所擊而青巴圖爾來援其兄
同殞於陣徹辰岱青率布哈斯之圖魯貝巴圖爾哈爾
噶坦之多塔達噶台吉共七人一同步戰而出鄂勒哲
伊勒都齊所乘之馬被射仍擐甲步行阿巴該吉魯根
見之給以所牽之馬令其乘騎遂由左超上騎之其馬
復被箭仍步行遇哈爾噶坦之賽音海努克侍衛下馬
即以其馬與之乘因欲令其疊騎駐馬讓之海努克云
我有子名巴扎爾其愛護之無庸顧我矣遂乘其馬格

闕而出迨後其兄徹辰鴻台吉三十四歲歲次癸酉精
選賽音哈屯之四額呼斯塔木克克里之五和碩齊並
兵七百名往征直至哈蘇羅克地方托克摩克之阿克
薩爾汗帶兵十萬迎戰於額錫勒泰寶徹辰洪台吉傳
諭於衆曰敵隊在前不拘何人不可先我攻進我親領
之以入諭畢乘博囉呼察之賽音阿固拉薩爾拜紅馬
身被描金象皮紅穆納甲冑率衆攻入敵衆于彼隊內
見為首之人鬚眉間放出火焰復見兩隊乘黑馬之兵

馬足發火迅速而至遂敗之殲戮過半自此青巴圖魯之甲無不識者遂生擒阿克薩爾之子三素勒坦分別懲釋以復二弟之讐振旅而回歲次甲戌布延巴圖魯聞洪台吉弟兄加兵於四衛喇特遂將輜重留於巴里坤以次行兵於四衛喇特令巴圖魯鴻台吉哈爾該在前隊而以額色勒貝侍衛領之欲將八千輝特土默特盡行招服徹辰鴻台吉於擠拉瑪汗山後以喀木蘇都哩圖二人為首並留巴圖魯等率其子鄂勒哲伊勒都

齊追趕三月之久糧絕有食已爾吉勒塔石塊者圖巴
汗之山陽以綽羅斯之必齊呼錫格沁為首擄掠四鄂
托克於是挨次撤回是時徹辰鴻台吉在博隴吉爾地
方伯奇徹辰濟雅噶齊圖伯特哈實噶濟雅噶齊二使
人有額色勒貝侍衛眼似兔鶻非守分之人恐讒譖八
千輝特土默特人眾以分兵勢之語已圖魯鴻台吉不
然其言令其等候於外乃額色勒貝侍衛恃徹辰鴻台
吉素日之寵任意於釜內取肋八條與此二人食之遣

二使人去後徹辰鴻台吉怒甚乃擺列整馬肋四塊並琵琶骨斥責額色勒貝侍衛云爾其盡食之諺云染指於乳汁投桿於牧羣爾乃以手向我釜內取肉先與人嘗之耶遂以指夾取令其食之於是四衛喇特人衆共以手指取肉食人之言互相非議焉額色勒貝侍衛擲肉出於外曰馬肋八條我並未食也君父其請食索岱明阿圖之肋八條乎言訖以足頓地而去是夜帶兵乘馬而至於克爾齊遜河弒巴圖魯鴻台吉額色勒貝侍

衛乃叛去諾延達喇濟農在濟農位二十三年歲次甲
戌年五十三歲歿布延巴圖魯鴻台吉生子博碩克圖
濟農諤勒哲炳鴻台吉班第墨爾根卓哩克圖弟兄三
人諾木圖都古稜生子滿珠錫哩鄂木博達賚諾延生
子必巴賽鄂特罕巴圖魯庫德德色凌二人莽固斯楚
格庫爾生子布納班鴻巴圖魯布達錫哩伊勒都齊本
巴台吉阿巴海鄂特罕卓哩克圖本巴岱岱青布延泰
台吉弟兄六人阿塔必斯達延諾延生子阿齊圖達延

諾延額成吉炳圖諾延瑪齊克額特罕諾延弟兄三人
諤巴卓哩克圖生于阿南達和碩齊諾延綽克圖台吉
阿穆桑台吉多爾濟岱青圖巴扎勒丹弟兄五人塔噶
齊宰桑生于班崇鴻台吉昆都楞生于貝瑪圖達奇和
碩齊生于奇塔特鴻台吉喇嘛幹齊爾格隆圖們達哩
徹辰和碩齊弟兄三人海努克巴圖魯生于奇塔特岱
巴圖魯古哲格齊固拉齊圖邁墨爾根諾延必巴賽諾
延庫森德諾延弟兄五人額恰昆都楞楚庫克爾生于

衛瑪遜宰桑和碩齊桑賽楚庫克爾諾延托濟徹辰楚
庫克爾生子諤努昆鴻台吉伊實欽台吉薩班達喇台
吉額斯克勒台吉弟兄四人楚嚕克青巴圖魯生子哈
坦巴圖魯青巴圖魯弟兄二人庫色勒衛徵生子多爾
濟衛徵桑鴻台吉弟兄二人瑚圖克齊齊克鴻台吉生
子諤勒哲伊勒都齊達爾罕巴圖魯錫塔泰徹辰楚庫
克爾昆德德賓圖岱青布延泰徹辰卓哩克圖本巴岱
綽克圖台吉本巴錫哩徹辰巴圖魯達納錫哩哈坦巴

圖魯弟兄七人布延達喇郭拉齊巴圖魯生子莽固斯
額爾德尼郭拉齊賽音達喇青巴圖魯無子阿穆岱墨
爾根台吉生子圖壘青固拉齊伯勒格岱紉生子阿津
岱紉諾延布爾賽岱青生子薩泰固實鴻台吉薩
濟巴圖魯鴻台吉衛喇特墨爾根諾延額德伊勒登和
碩齊察庫墨爾根卓哩克圖色凌哈坦巴圖魯巴圖特
台吉弟兄七人多爾濟達爾罕宰桑生子明愛青岱青
鍾都類衛徵庫伯袞達什衛徵鴻台吉達賚宰桑錫喇

卜綽克圖翁圭楚庫克爾喇錫顏台吉阿巴岱弟兄六
人恩克和碩齊生子桑濟和碩齊錫達達楚庫克爾本
巴達爾台吉弟兄三人圖邁達爾罕岱青生子本拜岱
青諾延本巴錫哩台吉察哩必台吉阿奇依台吉薩欽
台吉額埒格台吉本巴台吉圖壘台吉弟兄八人明愛
之音扎生子布延泰音扎諾延恩克錫哩台吉蒙克錫
哩台吉弟兄三人格齊吉伊勒登生子貝瑪圖諾延宰
桑諾延宰桑固爾固拉齊袞布台吉弟兄四人庫圖克

台生子巴巴岱青布多爾徹辰卓哩克圖博羅摩爾台
吉弟兄三人貝巴哩生子博迪錫哩鴻台吉額默格勒
德岱青拉拜台吉思克台吉思克錫哩台吉弟兄五人
此九汗之子孫次序也其布延巴圖魯台吉被害之後
於己亥年撤兵庫圖克台鴻台吉云父歿於家子殘於
敵今八白室內不可無奉祀之人博碩克圖濟農己丑
年生歲次辛丑年十三歲至是立為濟農至三十七歲
往見其叔阿勒坦汗諫云從前失陷城池與中國人結

譬以致出亡失統今汗壽已高漸至於老事之有益於
今生以及來世者惟在經教先賢曾言之今聞西方純
雪地方有大慈大悲觀世音菩薩出現祈遣使請來照
從前神祖呼必賚徹辰汗與胡土克圖帕克巴喇嘛設
立道教豈非盛事乎阿勒坦汗深為嘉許遂與右翼三
萬人和好即於丙子年令阿勒坦汗之阿都斯達爾罕
阿奇依達爾罕徹辰鴻台吉之鴻郭岱達顏巴克實等
充為使人往請聖識一切之索納木扎木蘇胡土克圖

使人未到之先其聖識喇嘛靜坐忽云蒙古之阿勒坦汗壽數既已綿長誠心抑何篤實近侍徒衆聞而議之曰是何言也繼而蒙古之使人至彼呈獻書信告以來請緣由聖識一切喇嘛微笑云我等前世已結善緣我今必往令人先回稟告汗與施主付以書信促之起程使人等將至三萬人共議在青海之察卜齊雅勒地方修造廟宇歲次丁丑右翼之三萬人乘馬往迎直至察卜齊雅勒地方初次往迎者乃永謝布之巴爾郭岱

青鄂爾多斯之哈坦巴圖魯土默特之瑪哈沁巴克什等八百人前往呈獻幣帛諸寶駝馬等物見後欲指引之至烏蘭莫稜以手指其水水遂逆流由是若輩肫誠無毀之敬心益加篤矣二次往迎者乃鄂爾多斯之青巴圖魯土默特之卓哩克圖諾延率千人前往叩獻贊儀五千人乃於原野湧出一泉大眾俱發至誠之心住宿烏蘭莫稜之夜領受聖馬明王之旨獻供於大力班扎瑪哈噶拉授以守教之事遣令往收蒙古地方之天

龍由是至衮額爾吉地方寅夜復將蒙古地方之龍鬼
魑魅駝馬牛羊貓鵬狼首各項妖魔盡行拘收鎮服焉

欽定蒙古源流卷六

欽定四庫全書

欽定蒙古源流卷七

額訥特珂克土伯特蒙古汗等源流

其三次迎接者乃鄂爾多斯之徹辰洪台吉圖默特之達顏諾延為首帶領三千人往迎以各色緞絹錦蟒駝隻金鞍馬匹牲畜等物共萬件為贄呈獻叩拜於是顯示能識一切之四臂觀世音菩薩之像令徹辰洪台吉見之次日起行能識一切喇嘛所騎名諾爾布章扎之

紅馬途次所履石上顯出六字大衆見之大起至誠之心歲次戊寅大衆瞻仰聖識一切喇嘛皆甚歡悅汗與徹辰洪台吉二人雷視能識一切喇嘛有驚駭之色其聖識一切之通事瓦齊爾圖邁袞歡津傳言問云汗與諾延二人何故審視我耶汗降旨曰我從前曾有足疾續因足疾復犯聞裝入馬腹內治之能愈是以殺馬以足伸入馬腹之內其痛愈不可忍忽舉首仰視見一白色人半天而至云汗爾為何作此大孽言訖不見由

是畏懼經土伯特阿里克喇嘛指教持誦六字咒語甚
善曾令固密巴克什持捻數珠每日唸誦一百零八遍
今詳視爾即其人也故我視之駭然徹辰諾延云從前
我在我父母膝下著棋為戲我母賜給馬頸正在欲食之
際手中所持小刀忽向上躍起似中內賺落下刀尖插
於地上拔刀仰視空中有一穿青衣少年嗔責之曰爾
為何竟食馬肉耶倏忽不見由是我即戒食馬肉今審
視聖喇嘛即其人也喇嘛既能鑑照我輩我輩反不識

喇嘛是以為異而駭視之耳聖識一切喇嘛微笑曰汗
與諾延之言誠然我等非止今日曾世世相會阿勒坦
汗爾為曩昔青吉斯汗之孫胡必賚徹辰汗之時我為
帕克巴巴喇密特之姪瑪迪都瓦雜帕克巴喇嘛因徹辰
之秦貝福晉將功德喜金剛之全備等四灌頂并解脫
隴灌頂等經廣為傳授曾與我漢語三聖大王國師之
號欽賜寶印黃券尊為首舉喇嘛徹辰洪台吉爾於曩
昔我世尊佛釋伽牟尼之時為瑪噶達國之俎克占寧

博汗曾為佛家施主爾弟徹辰岱青曾與爾同時為高
薩拉國之薩勒扎勒汗此大通事瓦齊爾圖邁歡津為
巴克什之時曾為鄂克羅咱瓦羅勒丹沙喇卜後于帕
克巴喇嘛之時曾為伊爾桑之喀喇默里圖通事又曾
為徹辰汗帕克巴喇嘛二人之通事今為我等三人之
通事併此次計之為我徒弟已三代矣復為爭鬪時之
轉輪阿勒坦汗照明昏暗部洲首先穿白衣乘白馬而
導引馬汗同諾延鍾錦福晉等帶領萬人又迎至於察

卜哈勒廟筵宴行相見禮以五百兩銀所造七珍八寶
三十兩金碗內滿盛寶石上好緞各十端五色緞各百
端各色寶石鑲嵌金鞍白馬十匹幣帛五千匹馬匹牲
畜五千匹共萬件呈獻為賀大張筵宴歡悅共坐之際
鄂爾多斯之徹辰洪台吉懇祈通事瓦齊爾圖邁袞歡
津轉奏云從前適逢善緣之力供奉牌位聖喇嘛與施
主汗二人如日月并照於天昔者奉上帝玉皇之旨佔
據五色目之索多博克達青吉斯之孫觀世音菩薩之

化身庫騰汗與轉輪胡必賚徹辰汗二人識見至極帕克
巴巴喇密特生靈依庇之帕克巴喇嘛二人與蒙古有
道汗等及得獲薩斯嘉道之喇嘛等會合以道教使大
衆共享太平降自烏哈噶圖車辰汗以來道教漸衰大
衆造惡作孽血肉相殘今值爭鬪之時得與似釋伽牟
尼佛之聖喇嘛似玉皇大帝之大力汗二人相遇伏願
自今斂福衍慶之日為始將湧血之大江變為溢乳之
淨海開覺從前汗等遺留經史善路汗與喇嘛二人以

善相結則普遍大衆利益之事其重與矣是時漢人土伯特蒙古衛果爾喇嘛喀喇等聚集十萬餘人聞奏是言如孟夏鳩鳴之聲俱傾耳以聽所有人衆共相歡悅稱奇而聖識一切喇嘛與阿勒坦汗並汗之屬下喇嘛喀喇無不讚美嘆為希有從前蒙古人等死後則儘力宰殺駝馬殉葬以為盤費自此力改竭力奉行經教按年逐月並按八節持戒誦經其四項出家之人常人如動手詈罵譏誚綽爾濟等則照洪台吉例喇木扎木巴

噶卜楚則照台吉例格隆等則照塔布囊歡津台吉宰
桑例其托音齊巴噶察烏巴什烏巴繖察等則照官員
例禁治每月持齋三日禁止殺牲漁獵若出家人違背
經教取妻者照經教以黑烟塗面令轉廟三匝責而遣之
烏巴什烏巴繖察等若違經教殺牲亦照前責處入官
托音烏巴什等若飲酒則毀棄其所有之物並叅酌從
前土伯特之三汗並蒙古胡必賚汗時舊例創立十善
福經之政尊以聖識一切瓦齊爾達喇達賴喇嘛之號

照依諾們汗帕克巴喇嘛供奉四項瑚巴喇克不派政
獵不索供賦以整齊道教由是聖識一切瓦齊爾達喇
達賴喇嘛贈給阿勒坦汗轉千金法輪咱克喇瓦爾迪
徹辰汗濟農哈什汗之號徹辰洪台吉則贈以從前額
訥特珂克名郭喀噶爾弼徹辰洪台吉之號徹辰台吉
則不改原號仍給與薩勒扎勒徹辰岱青之號瓦齊爾
圖邁歡津則贈以灌頂慧翁歡津之號阿里克喇嘛則
贈以額齊格喇嘛之號固密巴克什則贈以蘇喀歡津

之號阿玉錫巴克什則贈以阿南達固什之號以及諾
延塔布囊巴克什官員等則隨其職之尊卑任之輕重
照經教之例均贈給名號焉先是聖識一切瓦齊爾達
喇達賴喇嘛曾許于尼洛木塔拉地方修造彌勒佛之
像前往尼洛木塔拉之際正值阿勒坦汗收服庫德勒
庫人衆許於歸化城將生靈依庇詔釋伽牟尼佛像用
寶石金銀裝嚴而博碩克圖咱克喇瓦爾迪徹辰濟農
台吉許將一百八函甘珠爾經用寶石金銀裝修薩勒

扎勒徹辰岱青許建立三世佛之廟均皆出於至誠達
賴喇嘛前往尼洛木塔拉計及途次叩拜領受灌頂聽
經之人衆多必致耽延諭令班臣索納木扎克巴小珙
圖克圖云爾先前往駐宿尼洛木塔拉之中間到之日
即入馬明王殿中化導彼處土神或三日或七日內彼
處有我一物其處土神自然指給與爾可將此物收好
以備築砌廟基之用於是小珙圖克圖遵諭先往到彼
即遵照尊喇嘛諭言入坐馬明王殿中越三日夜間見

一丰雅少年服白衣自左至右斜掛白數珠一串披白
袈裟而來向小珣圖克圖前以手加額叩拜訖跪白昔
者爾之尊聖達賴喇嘛為額訥特珂克南邊畢塔人等
之主袞楚克榜汗之子時曾給寶石裝飾金鞦轡踢胷
一副以及馬匹之各樣裝飾令我收貯又授我烏巴什
之戒上項物件我收守至今今汝既能照依爾尊喇嘛
所諭明日即取出給爾言訖不見及曉起視果有各種
寶石鑲嵌馬匹裝飾一副以喇嘛之言果驗取而敬謹

存貯廟內乃築基甫竣而聖識瓦齊爾達喇達賴喇嘛
至矣是時土伯特有一托音前往彰地方貿易將瓦齊
爾達喇達賴喇嘛畫像給與彼處之薩達木汗之父彼
汗取而擲棄於地是夜即夢一穿黑之人前來執一水
晶靶之刀向伊心窩刺之次早遂自鼻內流血而死今
伊子薩達木汗因喇嘛施與仁慈其心感動覺悟從前
惡習因難以明言伊父之過不得親身前往叩拜乃用
百兩精金鑄為首級併金五百兩銀千兩各樣寶石緞

絹無筭令名扎罕布哈者為首帶領三百人前往呈獻
云我於暗中誠敬懺悔祈禱若惠愛於我可照依喇嘛
身體修造一像發來復另獻精金十兩於是令巴勒布
之匠人等將喇嘛之像造成又將別項大利益龕像
一併交使人持去薩達木汗不勝歡欣敬謹供奉喇嘛
之像壽享八十七歲其薩達木汗所獻之金壇於廟頂
並裝成拉沁巴勒巴爾宣威大慈彌勒佛之像喇嘛親
身持授靈光顯降入化自天散下花雨大衆見之無不

起敬適彼處有一術士名商順博木博納木則者作法以雷來擊瓦齊爾達喇達賴喇嘛用袈裟承受擲於水中次早術士博木博至向聖喇嘛叩首請云我用術曾致死九十七人今用術以制聖喇嘛三次未能侵犯我已九十七歲死後將墮三惡道中今求將我從前所造之罪向觀世音菩薩之前禱祝懺悔以祈後世皈依佛教祈將格隆之戒授我我若死於爾前幸指我道路禱求畢因係托音至第七日乃死遂將伊引入菩提之路

由是汗請棟科爾滿珠錫里瑚圖克圖親身帶領歲次
己卯回至蒙古地方從前大明隆慶汗之四年歲次辛
未以徹辰洪台吉宣勞政治給與龍虎將軍之號及玉
印黃劵未及領受歲次庚辰年四十一歲自寧夏至榆
林城由二十一城內得獲大庫數藏歲次乙卯年七十
六歲大病外形消減內氣尚未盡絕蒙果勒津圖默特
之大臣官員等私相商議以此經教有何利益既無益
於汗之大壽更有何益乎皆此等喇嘛之欺誑也其殺

之云云時滿珠錫里瑚圖克圖聞之令圖默特之大臣
官員等齊集汗前向伊等云凡始事無終如水中之月
一身無恒如鏡中之形生死世之轉也凡生靈無不死
者無論何人不能超過一死若無生亦無死惟金剛身
佛則無死滅似此獲佛道者除誠懃尊經外別無他法
幾見有未得佛道而能不死之人耶即三世衆佛今世
之釋伽牟尼佛亦未將人之不死著於經今我尊喇嘛
聖識一切瓦齊爾達喇達賴喇嘛明日若到亦不過似

此誦經若時命已至死復誰能阻止若時命未至所有
災病藥與經之力皆可以治之今汗之命數既到不可
治矣但聖識一切曾謂汗係觀世音菩薩化身如果佛
法及承教之博迪薩都與汗三人相會則仗聖識一切
利益之力以驗聖汗之誠心唵誦經咒又令額爾德尼
額爾德木圖蘊丹林沁醫士以藥吹入汗之鼻內祝云
大汗其承教以來臨乎滿珠錫里瑚圖克圖唵誦三遍
汗乃復生大衆稱奇傾心向化將從前議論直陳不諱

汗降旨曰爾十二圖默特之大臣官員等為何欲毀我
宣演之法以加害於胡巴喇克耶從前無佛法時我先
祖並無經教惟供奉本方土神又見誰人常在耶我以
前似我之汗似爾等之屬衆又有誰人常在誰人享壽
百年耶令我年將八十時亦至矣不獨我也即釋伽牟
尼佛曾以死之真實曉諭衆生而親身涅槃以示焉昨
我喇嘛未嘗誦聖識一切之經乎爾等俱未之聞乎若
鄂爾多斯徹辰洪台吉在此彼則知之越十餘日徹辰

洪台吉一聞前事即帶領妻子前來瞻仰汗甚喜悅笑
將此事原委悉行告知並齊集十二圖默特之大臣官
員等展開棟科爾瑚圖克圖之經汗與徹辰洪台吉二
人依次將經教功德反覆開示以日後勿毀法教勿害
胡巴喇克之處載入書內令大衆設誓許以宣揚法教
又在位一年以慰大衆年七十七歲歿戊戌年降生歲
次甲申年四十七歲即汗位本年右翼三萬人共議差
遣阿勒坦汗之布延往請瓦齊爾達喇達賴喇嘛允其

請來臨途次明地甘肅城其都堂盛設筵宴延請並呈
獻贄贐其瓦齊爾達喇達賴喇嘛前所然香烟結成壽
字雖用力撥之仍成字不散衆俱驚異甘肅所屬人衆
呈獻贄儀無筭以誠求之遂傳與灌頂經文而至誠無
悔之心油然而興矣於是寧夏城之王為首都堂總兵大
小各官以次延請頗著恭敬大衆於座中見聖識一切
顏色純白一面四臂兩手於胸前合掌問訊左手執青
蓮花右手持水晶數珠盤膝趺坐妙相全備各種裝飾

璀璨五色霞光煥耀大衆瞻仰呈獻贊儀誠意傾聽精
微經文至誠之心益加篤矣歲次己酉年四十四歲至
徹辰洪台吉所居之伊可錫巴爾地方於密魯克博羅
斯之界坐禪三月遂得權衡三界聖馬明王之道與庫
土克台徹辰洪台吉托爾罕珠拉徹辰福晉以及衆施
主前傳示無窮化導灌頂經教復廣為講解自是前往
北方途次各施主大臣官員無不邀請呈獻贊儀及至
博碩克圖徹辰濟農之地方指示建立三世廟宇之地

博碩克圖徹辰濟農徹辰洪台吉徹辰岱青三人於瓦
齊爾達喇達賴喇嘛前承受功德喜金剛全備之四灌
頂設愿不造諸般惡孽遺教照前設立於是昏暗之地
宣揚經教朗如皎日矣又前往十三圖默特地方至彼
咎其已將阿勒坦汗之骨殖埋葬謂之曰似此無價之
寶爾等為何棄擲於地遂起出焚化乃顯示神奇檢獲
舍利子無數大衆稱異焉初其父阿拉克濟農原娶哈
屯三人阿拉克濟農沒後阿勒坦汗將第三哈屯莫倫

納之所生獨子土伯特台吉身故伊母不畏作孽欲殺童子一百為殉駝駒一百為護庇及殺至四十餘小兒之後衆人爭議蒙果勒津之錫訥克烏爾魯克謂小兒耳聾又謂侍衛台吉若他人前往未免加害小兒不如我親身前去其殺我以殉之因彼不可殺遂停其事追莫倫福晉歿後尸已埋葬緣造孽已深不能脫離鬼域化為鬼祟聖喇嘛知覺乃備三角竈造成功德威懼金剛布威佛火供遂於其內焚化福晉骨殖喇嘛唸誦經

咒召集四臂獄地主欲將鬼祟裝入三角竈內之際見一蛇形又蝎從衣袖內鑽入其頭昂於領外於是喇嘛誠心奉誦解釋世愆濟渡亡魂之經見其頭點三次似為叩首之狀其尸仍復如舊後禪火自焚以所供之物呈獻住世出世諸佛並將衣服又蝎焚化其味臭穢入不可近或奔走趨避或失據張皇遙望見壇城烟內一道白光旋繞上起自上化一瓦齊爾薩都之神童而去大衆見之稱奇大起誠敬之心法教昭然如日照於昏

夜復如海水之洋溢矣由是前往喀喇沁圖默特地方
圖默特之衛新巴雅果特博爾濟吉斯毛明安之諾延
等邀請得聞廣大精微之經呈獻贊儀無算是時鄂爾
多斯之徹辰洪台吉年四十七歲歲次丙戌歿後令賽
堪囊素瓦齊爾托密公固什阿里占衛徵烏爾魯克伯
啟徹辰濟雅噶齊為首往送布延瓦齊爾達喇達賴喇
嘛深為嘆悼曰伊已獲菩提之道而去更有何說可惜
者爾等無福將一斛有利益之舍利子俱棄擲於地耳

言訖乃發善愿為之轉輪其子鄂勒哲伊勒都齊達爾罕巴圖爾於伊父在日年十七歲衝入托默克軍陣身著盛甲超乘以戰殺其諾延二人大衆無不稱讚者是年丁亥授以巴圖爾徹辰洪台吉之號令其執政歲次乙丑年三十四歲歿前丁亥年有喀爾喀之阿巴岱噶勒照台吉前來叩見呈獻貂皮帳房并幣帛牲畜皆以萬計隨意得以傾聽經文因謂之曰現在所供諸佛內任爾隨手請取一位因隨手取一手持金杵之像達賴

喇嘛曰此佛像從前喀木巴瓦齊爾汗供奉時被回祿
之災所有滿堂供奉之佛以及房屋俱焚惟此佛像完
好如舊此實大冇利益佛像也又給與似大指之釋伽
牟尼佛之舍利子以銅造成之藥王佛從額訥特珂克
地方請來之冇利益佛虎皮成造之帳房並幣帛諸物
謂係巴雜爾巴尼之化身遂上大威儀瓦齊爾汗之號
馬本年丁亥察哈爾之阿穆岱洪台吉前來叩見呈獻
金銀幣帛等物駝馬皆以萬計告以我察哈爾之圖們

汗以及所屬大衆欲遣使敦請聖喇嘛以闡揚佛教能
識一切聖喇嘛云若於明歲上半年來請或能前往若
遲至下半年即恐無暇前往矣衆皆不省惟阿穆岱洪
台吉以此言何所謂而詳思之是以傳授阿穆岱洪台
吉之灌頂隴灌頂居多歲次戊子十月能識一切達賴
喇嘛一日坐於一高山頂上開花結果樹下見從樹梢
上降下托音一人遂招至互相叩拜二人以額訥特珂
克之語講論良久乃散侍立徒衆請問其故答以彼係

尼洛木塔拉廟之塔爾拜扎勒燦喇嘛以我起程將近
故特來謁見耳回至廟中喇嘛遂不豫適有中國大明
萬厯汗遣索丙保翀薩青三員官為首帶領千人來請
預備呈獻聖喇嘛有金床肩輿及金鞍白馬裝載各物
之車三百輛延請贊儀係寶石精金百兩銀千兩諸色
幣帛各百件勅諭云朕照依先太宗永樂皇帝汗扶持
聖教照依蒙古之胡必賚徹辰汗贈給三聖大王國師
之號尊為首舉聖喇嘛與察哈爾圖們汗之使臣克錫

克騰之圖邁洪台吉克木齊古特巴噶達爾罕諾延並
所帶之千人同時而至聖喇嘛云二大國汗之旨諭極
是明人蒙古二國之主二位大汗之旨非為己身實為
衆生感此扶持佛教之恩欲往之心非不甚切今大力
汗之使已到我去歲未與阿穆岱洪台吉言之乎明歲
上半年則可下半年雖來我無暇前往矣其言乃有始
將終之言今往他處以施利濟耳自前戊子年起紀三
千六百七十五年歲次壬寅降生極尊之色身年四十

七歲戊子年三月二十六日於使臣前以極樂通慧神通化入觀世音菩薩胸前往臨佛地四月二十五日造大供焚化金身由泥丸現生觀世音菩薩上樂王佛之像明顯慈悲慧眼並獲舍利子無算字跡明顯儼然成一從前無怨汗所造之千尊塔矣乃能識一切慈鑒蒙古人等遂托於圖古隆汗之第四子蘇密爾岱青之達喇福晉之身有孕九月滿足已及十月歲次乙丑降生瑚畢爾罕即係聖識一切瓦齊爾達喇達賴喇嘛之極

尊化身大衆無不聞知其土伯特地方遣使來請乃蒙
古等愚騃躁急謂係孩提之童如何遣去十三歲以內
不許其往歲次壬辰鄂爾多斯之博碩克圖濟農於二
十八歲時佔據鄂爾多斯萬人行兵明地之星錫庫河
三日大有俘獲而歸適寧夏城之王姓總兵迎戰右翼
鄂庫新之巴圖爾托郭哈爾噶敦之伊什圖哈喇庫濟
哈留沁之吉壘濟雅噶齊布哈蘇巴圖爾圖魯拜首先
衝入以戰徹辰洪台吉之長子鄂勒哲依伊勒都齊之

子已圖台吉庚辰年生年甫十三歲乘號鄂欽德之紅馬追擒一執槍明人濟農以及所屬俱愛慕之遂以伊父之達爾罕巴圖爾之號贈焉歲次甲午徹辰濟農年三十歲復行兵明地由阿拉善前往榆林城之馬姓總兵追至遇左翼明藹青岱青之隊明藹青岱青之庫圖克台和碩齊塔布囊托克多爾伊勒都齊哈喇呼拉二人首先衝入奪取烏蘭格爾回兵由哈喇城徑行蒙古部落前往烏拉罕烏魯克地方其巴圖達爾罕巴圖爾

年十五歲未經同往令其同土伯特哈什噶濟雅噶齊
帶領官兵殿後衆殿後兵尚未聚集一聞自腰站解送
活口之言即迎前接戰哈爾噶達胡特古爾格之阿什
圖哈喇庫濟哈勒吉遜海努克達哈密和碩齊二人首
先衝入交戰之際已圖仍乘號鄂欽德紅馬深入於烏
努古齊之托羅海以及蘇海河中伏地方大破其衆擄
獲盔甲馬匹等物滿載以歸大衆讚美復以其祖已圖
爾徹辰洪台吉之號贈給令其執政歲次戊寅能識一

切達賴喇喇之化身年已十四歲送往土伯特地方隨
聖識一切班禪額爾德尼出家受格隆戒通曉經教史
咒精微之義照從前能識一切喇嘛前往有利益地方
叩拜於隴地方廟內將尊信隴集雅木沁彌勒佛神妙
之像以銅範金自首裝飾下至於面造成一尊自在全
備形像大法身是佛之像忽然傾斜已勒布之匠衆人
等俱不能修正聖識一切蘊丹扎木素尙是佛叩拜畧
加省視告曰此佛像之首所對本廟梁脊貯一得道阿

雜喇之屍佛像因避此傾斜耳即今登而視之果有入
屍一具取而棄諸大江能識一切達賴喇嘛散花開光
佛像復正如初顯示上項奇異之兆遂稱為知識一切
蘊丹扎木素瓦齊爾達喇達賴喇嘛一似從前達賴喇
嘛聰敏已極廣建釋伽牟尼佛法幢闡揚前聖宗喀巴
蘇瑪迪吉爾迪之教大地如日光普照矣

欽定蒙古源流卷七